

Na Hematoonkološkom odjeljenju na Pedijatrijskoj klinici u Sarajevu u toku je realizacija projekta „Psihosocijalna podrška i pomoć djeci oboljeloj od malignih oboljenja i njihovim porodicama“. Ovaj projekat čine različite aktivnosti:

Dječije radionice

U okviru projekta „Psihosocijalna podrška i pomoć djeci oboljeloj od malignih oboljenja i njihovim porodicama“ sprovodimo različite aktivnosti s majkama i djecom, kao što su individualni i grupni razgovori, različita druženja, kreativno-edukativne radionice i muzička terapija. Dječije radionice imaju za cilj da razviju kod djece kreativnost i motiviranost za učenje i rad, kako bi donekle razbili monotoniju kliničke atmosfere.

Ciljevi ovih radionica su: podsticanje prepoznavanja, izražavanja i imenovanja osjećanja na verbalan i neverbalan način, zatim opuštanje kroz vođenu fantaziju kroz koju su djeca mogu da odlepršaju u svoj čarobni svijet i izraze svoje želje i potrebe. Zatim razvoj motorike, razvoj kreativnosti, uviđanje detalja, korištenje materijala za izradu na pravilan način i učenje kombinacija boja. Dosadašnje radionice su se pokazale uspješnim, djeca veoma rado učestvuju i izađu sa osmijehom na licu, noseći u ruci neku od rukotvorina koje su izradili vlastitim trudom, što podiže njihovo samopouzdanje a to naime i predstavlja jedan od ciljeva.

Galerije fotografija:

Okupacione radionice

U okviru projekta „Psihosocijalna podrška i pomoć djeci oboljeloj od malignih oboljenja i njihovim porodicama“ sprovodimo različite aktivnosti sa roditeljima, najčešće sa majkama koje borave uz oboljelo dijete za vrijeme liječenja. Jedna od radionica je pravljenje Zlatne vrpce.

Šoljica kafe

Svakog utorka, kad je velika vizita na Hematoonkološkom odjelu, sa majkama se organizuje redovna aktivnost „Šoljica kafe“ na kojoj se razgovara o različitim temama. Nekad su to razgovori o ishrani djece za vrijeme liječenja, različitim strahovima koji se javljaju, iskustvima drugih porodica ili razgovori o neobaveznima temama u opuštenoj atmosferi.

Savjetovanje

Roditeljima a i djeci za vrijeme i nakon liječenja, uvijek stoji na raspolaganju stručni tim udruženja kojeg čine socijalni radnik i psiholog, kad su u pitanju psihosocijalna podrška. Osim toga, roditeljima na usluzi se stave i roditelji čija djeca su već izborila svoju bitku i pobijedila. Kroz razgovore sa roditeljima koji su već prošli suočavanje sa malignim bolesti djeteta, mogu dobiti najviše korisnih savjeta i motivaciju za dalju borbu.